


Feih Ndwencieng

年味

贵港市覃塘区蒙公镇新岭小学五年级 Veiz Meijven/韦美焰



Feih ndwencieng, dwg yo youq ndaw gijgwn bimoq haenx lwi? Mbouj, mbouj dwg yienghneix, gij feih ndwencieng de mboujdan yo youq ndaw gijgwn, de lij yo youq

De yo youq gij hong bwh gvaqcieng haenx! Mehmbwk ndawmbanj naengzganq haenx caeux couh youq haemhndaep gaxgonq geij ngoenz hainduj dajsaeg lo. Gyoengqde rap buh、denz、haiz、mad daengx ranz, daeujdaengz henzdah dajsaeg, miz mbangj lij gwed rek、bat、guenq daengj daengz henzdah cat swiq dem. Henz dah iq haet daengz haemh cungj dwg vunz, daihgya gangigangj riuriu, nauhyied dangqmaz. Gyoengq bouxsai couhcinj bingzseiz mbouj guh hongranz, hix gaem sauqbaet daeuj baet ranz baet gijrongzgyau ndaw ranz lo. Youq mboengq seizgan neix, hix hainduj bwh nienzhuq lo. Gyoengq lwgnyez angqvauvau riengz vunzhung bae haw cawx nienzhuq, mwh cawx dangz

cawx bingj gyoengq lwgnyez cei q angq, gyoengqde swnh bouxlaux mbouj louzsim, couh laeglemx gaem dangz bingj oet haeuj ndawdaeh bae.

Haemhndaep feih ndwencieng couh engqgya noengz lo! Gyoengqvunz naengh youq ndaw ranz seuqsak, gwn caeuz haemhndaep. Bouxlaux riunyummyum nep byaek nep noh hawj lwgnyez, gyoengq lwgnyez aenvih gwn dangz gwn bingj lai lo, doiq byaek noh cungj mbouj ngah saek di. Vunzhung gwn laeuj caimax, nauhnauh yiedyied. Lwgnyez gwn imq le hai densi daeuj yawj ndwencieng lenzvanh vanjvei. Ndaw densi gyoengq yenjyenz ciengq go diuq foux, ciepcoux bimoq daeujdaengz. Daengz gyanghwnz cibngeih diemj cung, gyoengq lwgnyez cungj buet ok bakdou ranz bae cuengq bauq coux bimoq. Lwgsai manz diemj bauqreng h bauqciengh, lwgnyez iq diemj bauqhabfeiz, diemj bauqienva, sing bauq yiengj bibi baba, bauqienva youq gyangmbwn haiva ronghsag, gyaundeidei dangqmaz, gyoengqvunz yawj gij ienva hoengzhoengz loegloeg gwnzmbwn, bouxboux naj riu angqfaengz. Feih ndwencieng couh yo youq ndaw caeuz ndaep, ndaw bauq yiengj, ndaw angqfaengz gyoengqvunz.

Ndwencieng coit, bouxcoz bae camgya dwkgiuz doxdax, vunzlai hix guhdoi hix bae yawj dwkgiuz lo. Gou dawz bit caeuq bonjbouh okdaej lienh sij cih. Dingq naeuz gij saeh coit guh ndei haenx, ndaw bi ndeu cungj guh ndaej swnh, gou dwg maqmuengh swngeij lienh baenz gij singq caemdingh, lij muengh gij cih swngeij sij ndaej ndei! Daxmeh hix naengh youq gwnz eij, dinghdingh yawj saw, daihgaiq de dwg maqmuengh swngeij bienq ndaej coengmingz ba. De lumj yawj ok gij sim gou nei, riu lo, naeuz: "Itcig roengzrengz, cij guh ndaej ndei!" Gou ngaekngaek gyauej. Co'ngaih daengz cibhaj, gyoengqvunz cungj lienzdaemh bae ranz caencik baiqnienz, henz gai luengq ranz, cungj dingqnyi sing hohfuk. Feihdauh ndwencieng couh yo youq ndaw dwkgiuz、ndaw vunzcaen gangjriu hohfuk haenx.

Ndwencieng mbanjranz, yied daeuj yied miz feihdauh lo, gou hoh daihgya youq bimoq bouxboux bingzan, ranzranz vuenyungz! Gou maqmuengh youq ndaw bimoq, swngeij rox gamjaen, ndaej cinbu, souhaeuj rimrdrwd! (boux lauxsae son'gyauq Veiz Bizningz) (指导老师: 韦必宁)



Daengx bi seiqgeiq, yienghceij fwn doek roengz haenx gak sik gak yiengh, bienq bae bienq dauq.

Fwn seizcin dwg saeqsed unq-nem. Naedfwn iqt doek youq gwnz byaifaex, byaifaex did ok ngaz oiup heuswd; fwn iq doek roengz daemz bae, ndaw daemz hai ok baenz duj baenz duj varaemx.

Fwn seizhah dwg haenqhwd-hwd. Mwh yaek doek fwn, gwnz-mbwn fwj ndaemndatndat, doengx-ngoenz bienq doengxaemh. Loh byajmig he ndonj gvaq fwjndaem, aeu gwnzmbwn laeprou ciuq rongh lo. Sing byajraez "gunlunglung" yiengj gvaq le, ciengz fwn hung lumj raix

raemx nei hainduj raixfafa lo. Fwn hung dingz le, bien mbwn venj hwnj duzdoengz caet saek gyaundeidei ndeu.

Fwn seizcou dwg liengzsis, unqnemnem. Rumzcou daiq fwncou daeuj doek youq gyan naz, gohaeux henj lo, megmax nding lo, gofaiq hau lo..... Fwncou doek youq ndaw suenmak, mak cug lo, fwncou daiq daeuj le gij angqyangz demsou.

Fwn seizdoeng dwg laeglemx yomjyet、gyoetgyat nitcat. Fwn seizdoeng gab miz naednae, doek roengz ndaw dah, raemxdah giet nae lo. Fwn seizdoeng gab miz naednae, doek youq gwnz ngafaex, ngafaex hai ok baenz duj baenz duj vanae hausag ronghcingx, gyaundeidei raixcaix!

Fwn moix aen geiqciet cungj mbouj doxdoengz, miz fwn seizcin saeqsed、fwn seizhah haenqhwd、fwn seizcou liengzsangj、fwn seizdoeng nitcat, gou maij fwn daengx bi seiqgeiq.

(Gyanghsuh Swngj Suhcouh Si Suhcouh Gunghyezyenz Gih Singhcouh Yozyau ngeih nienz-gaep Daux Singhyui)



suenangq gojlgwgyez

Goyizcienz

榆钱树

3

"Siujuvwnz——Siujuvwnz——"

Siujuvwnz daj ndaw maex-muenh singj gvaqdaej, yawjraen lwg vunz iq ronghcingx ndeu ndwn youq gwnz daizcueng vad fwngz coh de.

Siujuvwnz ganjgip daj gwnz mbonq naengh hwnjdaej.

"Mwngz mbouj rox gou luma?" Lwgvunz iq yat daengz henz ndang Siujuvwnz cam.

Siujuvwnz yawj lwgvunz iq, lwgvunz iq ndaw ndang ronghcingx de miz vayizcienz loenq roengz-byoegbyoeg, gyaundeidei dangqmaz.

Siujuvwnz siengj hwnj geij bi gonq haemh seizhah ndeu, de caeuq daxbuz naengh youq goek goyizcienz aeuliengz, yawjraen gwnz nga faex naengh miz lwg vunz ronghcingx ndeu. Mwh de heuh daxbuz yawj, lwgvunz iq mbouj raen lo.

"Mwngz dwg duzcinglingz faexyizcienz?" Siujuvwnz doeksaet

hemq sing ndeu.

Lwgvunz iq ngaekngaek gyauej: "Goyizcienz ndawhough yienznaeuz mbouj youq lo, hoeng gou lij youq neix, ndigah mwngz gaej daiq siengsim lo."

Lwgvunz iq heuh Siujuvwnz daeujdaengz ndawhough, de baenq ndang mbat he, bienqbaenz go faexyizcienz hung ndeu lo.

Siujuvwnz yawj go faexyizcienz neix, gwnz nye mbaw mwncup heuyau, gwnz faex venj miz baenz roix baenz roix vayizcienz hausag ronghcingx lumj nae nei.

"Gou bienqbaenz go faexyizcienz dan mwngz cij yawj ndaej raen ndeu, gou dwg goyizcienz mwngz boux dog." Go faexyizcienz neix ngauzdoengh nye mbaw coh Siujuvwnz, angqvauvau naeuz.

Siujuvwnz raemxda lae' byoeg-byoeg, gamjdoengh dwk umj dawz goyizcienz.

(Gyah Yingi) (4)

(dozcap banjneix daj gwnzmuengx aeu)